

Introductio
ad
SAPIENTIAM:

Enchiridion
repurgandis seculi hu-
jus vitiis accommo-
datissimum.

PROV. 16. 16.

Posside sapientiam, quia auro
melior est: & acquire pru-
dentiam, quia pretio-
rior est argento.

CANTABRIGIA:

Ex Officina Rogeri Danielis,
Almæ Academiæ Typo-
graphi. 1643.




ef
pr
re
da

mi
tur
ex
jud
pre

gi o
bus

4
pul



Ad Sapientiam

Introductio.



Era Sapientia est, de rebus incorruptè judicare, ut talem unamquamque existimemus, qualis ipsa est: Nè vilia sectemur, tanquam pretiosa: aut pretiosa tanquam vilia rejiciamus: nè vituperemus laudanda, nève laudemus vituperanda.

2 Hinc enim error omnis in hominum mentibus, ac vitium oritur, nihilque est in humana vita exitiabilius, quàm depravatio illa judiciorum, cum rebus non suum pretium redditur.

3 Quocirca perniciosæ sunt vulgi opiniones quæ stultissimè de rebus judicant.

4 Magnus erroris magister, populus.

A 2

5 Nec

5 Nec aliud magis laborandum est, quàm ut sapientiæ studiosum à populari sensu abducamus, & vindicemus.

6 Primùm omnium suspecta illi sint, quæcunque multitudo magno consensu approbat : nisi ad illorum normam revocarit, qui singula virtute metiuntur.

7 Assuescat unusquisque jam tum à puero, veras habere de rebus opiniones, quæ simul cum ætate adolefcent.

8 Et ea cupiat, quæ recta sint : fugiat, quæ prava : ut assuefactio hæc bene agere, vertat ei probè in naturam : ut non possit, nisi coactus & reluctans, ad malè agendum pertrahi.

9 Eligenda est optima vitæ ratio, hanc consuetudo jucundissimam reddet.

10 Tota reliqua vita ex hac puerili educatione pender.

11 Ergò in curriculo sapientiæ, primus gradus est, ille veteribus celebratissimus ; *Seipsum nosse.*

Divisio rerum.

12 **H**Omo ex corpore constat & animo. Corpus habemus ex terra, & his elementis, quæ cernimus ac tangimus, corporibus bestiarum simile.

13 Animum divinitus datum; angelis & Deo similem, unde censetur homo: & qui solus meritò esset homo appellandus; ut maximis viris placuit.

14 In corpore sunt forma, sanitas, firmitas, integritas, robur, celeritas, delectatio: & his contraria, deformitas, morbus, mutilatio, imbecillitas, tarditas, dolor, & alia corporis seu commoda, seu incommoda.

15 In animo eruditio, & virtus: & contraria, ruditas, vitium.

16 Extra hominem sunt divitiæ, potentia, nobilitas, honores, dignitas, gloria, gratia: & contraria his, paupertas, inopia, ignobilitas, vilis, dedecus, obscuritas, odium.

A 3 Rerum

Rerum Naturæ ac Pretia.

17 **R**egina & princeps rerum
omnium præstantissima est
Virtus: cui reliqua omnia, si suo
velint officio defungi, ancillari
oportet.

18. Virtutem voco, pietatem in
Deum & homines, cultum Dei &
amorem in homines voluntatémq;
benefaciendi.

19. Reliqua si quis ad virtutem
hanc referat, non mala videbuntur.

20 Nec qui primum hæc nun-
cupavere bona, sic de illis sense-
runt, ut vulgus: quod veros
illos ac naturales significatus cor-
rupit, unde & rerum æstimatione
mutatæ sunt.

21 Sic enim sunt intelligenda
hæc: quatenus censentur Bona. Di-
vitix sunt non gemmæ, aut metal-
la, non magnifica ædificia, vel su-
pellex instructa: sed non iis carere,
quæ sunt ad tuendam vitam neces-
saria.

22 Gloria,

22 Gloria, bene audire de virtute.

23 Honor, veneratio ob virtutem.

24 Dignitas, recta hominum opinio de magna virtute.

25 Potentia & regnum, habere multos quibus probè ac rectè consulas.

26 Nobilitas, excellentia actuum esse cognitum: vel à nobis prognatum, similem parentum se habere.

27 Generosus est, ad virtutem à natura optimè compositus.

28 Sanitas, talis habitudo corporis, ut valeat mens.

29 Species, lineamenta corporis, quæ animum formosum ostendant.

30 Vires & robur, ut exercitiis virtutis sufficias, ne facile fatigeris.

31 Voluptas, delectatio pura, solida & diuturna, qualis capitur ex iis solis, quæ ad animum pertinent.

32 Si quis hæc aliter, ut à populo videlicet intelliguntur, discutiat

ac expendat, reperiet inepta, vana, noxia esse.

33 Primùm externa omnia vel ad corpus referuntur, vel ad animum: ut divitiæ ad tuendam vitam, honor ad judicium virtutis.

34 Corpus ipsum nihil aliud est, quàm tegumentum vel mancipium animi, cui & natura, & ratio, & Deus ipse jubent subiectum esse, ut brutum sentienti, mortale immortali ac divino.

35 Porro in ipso animo eruditio in hoc paratur, ut cognitum vitium facilius fugiamus, cognitam virtutem facilius persequamur, teneamusque. alioqui supervacanea est.

36 Quid aliud est vita, quàm peregrinatio quædam tot undique casibus objecta & petita? cui nulla hora non imminet finis, qui potest levissimis de causis accidere.

37 Quare stultissimum est, cupiditate tam incertæ vitæ foedum aliquid, aut pravum agere.

38 Et quemadmodum in via, sic
in

in vita, quo quis expeditior, & paucioribus sarcinis implicitus, hoc levius & jucundius iter facit.

39 Tum naturâ humani corporis ita constitutum est, ut paucissimis egeat: ut si quis animadvertat, haud dubiè insanix damnet eos, qui tam multa tam anxie congerunt, cum sit tam paucis opus.

40 Divitiæ namque, & possessiones, & vestimenta in usum tantum parantur: quem non adjuvant immensæ opes, sed opprimunt, ut navem ingentia onera.

41 Nec aurum, si non utare, à cœno differt: nisi quòd magis angit ejus custodia: & efficit, ut dum ubi uni studes, ea negligas, quæ maximè sunt homini curanda.

42 Est enim pecunia idolorum servitus, cum ei⁹ reliqua posthabentur, nempe pietas, & sanctum.

43 Vt transeam, quot insidiæ divitiis tenduntur, quot & quàm variis casibus pereunt, in quàm multa vitia detrudunt.

44 Culta

44 Culta vestimenta quid aliud sunt, quàm superbix instrumenta ?

45 Utile indumentum excogitavit necessitas, preciosum luxus, elegans vanitas : suborta est in vestitu contentio. hæc multa docuit supervacanea, & damnosa, dum homines etiam ex eo quod infirmitatem nostram arguit, honorem captant.

46 Ita divitiarum pars maxima, ædificia, supellex numerosa & opulenta, gemmæ, aurum, argentum, ornamentorum omne genus, spectantium oculis & comparantur, & exponuntur, non possidentium usibus.

47 Jam nobilitas quid est aliud, quàm nascendi fors & opinio, à populi stultitia inducta ? ut quæ sæpe numero latrociniis quæritur.

48 Vera & solida nobilitas à virtute nascitur. Stultumque est, gloriari te parentem habuisse bonum, quum sis ipse malus, & turpitudine tua dedecori sis pulchritudini generis.

49 Sed

49 Sed certè omnes ex eisdem
constamus elementis, & idem om-
nium pater Deus.

50 Ignobilitatem contemnere,
hoc est Deum nascendi autorem ta-
citè reprehendere.

51 Potentia quid est aliud, quàm
speciosa molestia? in qua si quis
sciret, quæ sollicitudines, quæ an-
xietates infint, quantum malorum
mare, nemo est tam ambitiosus,
qui non eam fugeret, ut gravem mi-
seriam.

52 Quantum est odium, si regas
malos? quantò majus, si malus
ipse?

53 Honor si ex virtute non ori-
tur, pravus est: si ex virtute, hoc
præstat virtus, ut is negligatur, ali-
ter vera non erit virtus, si quid ho-
noris facit gratia: sequi enim debet
honor, non expeti.

54 Dignitates, quis potest sic ap-
pellare, cum indignissimis quoque
hominibus contingant? nempe
fraude, ambitione, præmiis, pessimis
artibus quæsitæ.

55 Et

55 Et gloria, est nè aliud, quàm
(ut ille dixit) Aurium vana inflatio?

56 Ex qua ut honore & dignitate, nihil omnino ad eum pertingit, de quo sunt : & incertæ, vagæ, iniquæ, momentaneæ sunt, similes parentis suæ multitudinis : quæ eodem die eundem hominem & commendat atque evehit summè, & vituperat ac deprimit extremè.

57 Quid dicam nasci ex his rebus partim deridendis, partim stultis, partim sceleratis, sicut ludo pilæ, profusione patrimonii in commensationes, scurras, mimos, bello potissimùm, hoc est, impunito latrocinio, quo magis vulgi dementiam agnoscas ?

58 Secedat in se unusquisque, ac solus cogitet : inveniet quàm parum ad se attingat ex fama, rumoribus, veneratione, honore populi, de quibus gloriatur.

59 Quid in somno, quid in solitudine inter summum regem interest, & infimum servum ?

60 Denique

60 Denique sic unusquisque sentiat, nobilitatem, honores, potentiam, dignitatem ex prisca hominum persuasione, quam Christus animis suorum ademit, nata & relicta esse: & in Christianos homines inuenta, tanquam lolium, quod hostis diabolus aspersit bonæ segeti Dei.

61 In corpore ipso quid est forma? nempe cuticula bene colorata. si intraria cerni possent, quanta vel in corpore speciosissimo cerneretur foeditas?

62 Lineamenta & corporis decor quid juvant, si turpis sit animus? & sicut Græcus ille dixit, in hospitio pulchro hospes deformis?

63 Robur quorsum pertinet in homine, cum res maximæ & homine dignæ, non viribus nervorum gerantur, sed ingenii?

64 Nec vires quantumcunque augeantur, majores erunt quam tauri vel elephanti. ratione illos, ingenio, virtute superamus.

65 Transeo quod forma, vires, agilitas,

agilitas, & cæteræ corporis dotes, ut flosculi, celeriter marcescunt, exiguis casibus diffugiunt: vel una febricula validissimum quandoque hominem concutit, & summum decorem tollit.

66 Ut nihil accidat, certè necesse est illa omnia, cum ætate flaccescere, ac decidere.

67 Nemo ergo potest externa jure sua dicere, quæ tam facilè ad alios transeunt: nec corporea, quæ tam citò evolant.

68 Quid quod hæc quæ multi admirantur, magnorum vitiorum sunt causæ: velut insolentiæ, arrogantia, socordia, ferocitatis, livoris, emulationis, simultatum, rixarum, bellorum, cædis, stragis, cladis?

69 Delectatio corporis, ut corpus ipsum, vilis ac pecudina est: qua sapius & vehementius & diutius pecora quàm homines perfruuntur.

70 Ex hac cum morbi plerique ad corpus redundant, & ad rem familiarem

miliarem permagna damna: tum ad animum certa pœnitentia, & hebetudo ingenii, quod deliciis corporis extenuatur, ac frangitur: denique odium virtutum omnium.

71 Nec apertè frui licet: nam ut decent generositatem nostræ mentis, ita nemo tam perditus est, quin eas erubescat apud arbitros capere. pariunt enim ignominiam: idcirco tenebras & latebras quærun.

72 Quid quòd sunt fugacissimæ, & momentaneæ, nec retineri ulla vi possunt, nec unquam veniunt puræ, cujuscunque amaritudinis expertes?

73 Ergo exclusis vulgi sensibus, maximum malum putato, non paupertatem, aut ignobilitatem, aut carcerem, aut nuditatem, ignominiam, deformitatem corporis, morbos, imbecillitatem: sed vitia, & his proxima, inscitiam, stuporem, dementiam.

74 Magnum bonum credito horum contraria, virtutem, & quæ huic sunt finitima, peritiam, acumen

men ingenii, sanitatem mentis.

75 Reliqua vel externa, vel corporis, si habes, proderunt tibi ad virtutem relata: oberunt, ad vitia. Si non habes, cave nè quæras, vel cum minimo dispendio virtutis.

76 Prolixus quæstus est, pietas cum sufficientia. Fama, tametsi nihil agendum est ut videaris, conservanda tamen est integra, quod interdum ea cura à multis nos turpibus cohibet, sed præcipuè in exemplum cæterorum.

77 Unde præceptum illud sapientium & sanctorum virorum: Nec malum faciendum, nec ejus simile.

78 Quòd si hoc assequi non possumus, conscientia debemus esse contenti, & cum tam depravati erunt hominum sensus, ut quæ sunt optima, putent esse scelerosissima: tunc laborandum erit, ut interna & externa soli Deo approbemus, idq; abundè nobis sufficiat.

79 Etiam mala, quæ dicuntur corporis, vel fortunæ, licebit in bonum

num vertere, si patienter feras : & tantò sis ad virtutem promptior, quò minùstibi in illis succedit, ac proinde es expeditior.

80 Sæpenuerò ex damnis corporis, vel externorum, magnæ sunt accessiones virtutibus natæ.

De Corpore.

81 **E**T quoniam in hac nostra peregrinatione animum gestamus in corpore inclusum maximasque opes in vasis fictilibus : non omnino repudiandum nobis est & contemnendum corpus.

82 Sic curandum tamen, ut se non dominum, non socium esse sentiat, sed mancipium nec sibi pasci, aut vivere, sed alteri.

83 Quo curatius est corpus, hoc animus neglectior.

84 Quò mollius habetut corpus, hoc acrius menti reluctatur. & ut equus delicatè pastus, sessorem excutit.

85 Gravis sarcina corporis, ani-

B

mum

munum elidit, acumen ingenii, sagina corporis, aut indulgentia retunditur.

86 Cibi, somni, exercitationes, tota corporis curatio, ad sanitatem referenda est, non ad voluptatem: ut animo promptè inserviat, nec ferocia cultus insolescat. neu virium inopia decidat.

87 Nihil est quod æquè & vigorem mentis debilitet, & robur ac nervos corporis infringat, ut voluptas. quippe vires omnes & corporis & mentis, opere ac labore vegetantur, ocio & mollitie voluptatibus languescunt.

88 Mundities corporis & victus citra delicias aut morositatem, ad valetudinem & ingenium confert.

89 Ablues subinde manus & faciem aqua frigida, detergèsque mundo linteolo.

90 Repurgabis crebrò eas partes, quæ sordibus & recrementis ad exitum corporis meatus præbent.

91 Hæ sunt, caput, aures, oculi

li, nares, axillæ et pudenda,

92 Pedes mundi & calidi foveantur.

93 Arceatur frigus cùm ab aliis partibus, tum vel maximè à cer-vice.

94 Ne statim edas à quiete, nec ante prandium, nisi tenuiter.

95 Jentaculum enim sedando stomacho, aut refocillando datur corpori, non satietati.

96 Ideo tres aut quatuor panis buccæ sufficiunt, sine potione, aut certè exigua, atque ea tenui. salutare hoc non minus ingenio, quàm corpori.

97 In prandio & cœna assuesce non vesci, nisi ex uno obsonii genere: eodem simplicissimo, & quantum per facultates licebit saluberrimo, quamvis multa mensæ inferantur: & si tua sit mensa noli admittere.

98 Varietas ciborum homini pestilens, pestilentior condimento-um.

99 Munda & pura parsimonia, temperatis & castis animis congruens, conservatrix rei familiaris: & quæ sola efficit, nè multis indigere nobis videamur, nec suscipiamus pessima facinora quæstus gratiâ, quo gulæ morem geramus, irritatæ vel luxu, vel lautitiis vel delicatis nimium & exquisitis cibis.

100 Tum præstat, ut quæ adsunt non modò nobis sufficiant, sed ex eis liceat egentibus impartiri.

101 Ostendit hoc Dominus exemplo sui, qui post exsaturatam multitudinem, reliquias perire panum & piscium non est passus.

102 Natura necessaria docuit quæ sunt pauca, & parabilia. Stultitia superflua excogitavit, quæ sunt infinita & difficilia.

103 Naturæ si des necessaria delectatur, & roboratur, tanquam propriis: si superflua, debilitatur & affligitur tanquam alienis.

104 Stultitiam necessaria non explent: superflua cum obruant, non satiant.

105 Potu

105 Potus erit, vel naturalis ille
universis animantibus in commu-
ne à Deo paratus, pura & liquida
aqua, vel tenuissima cervisia, vel
vinum bene dilutum.

106 Nihil est quod juvenum cor-
poribus magis efficiat, quàm cali-
dus cibus, aut potus incendit enim
& exurit eorum viscera, agitque in
libidinena & temeritatem præcipi-
tes.

107 Accena nè bibe : aut si id
admonet sitis, sume humidum ali-
quid & frigidiusculum, aut perpufil-
lum tenuis potiunculæ.

108 Inter eam potionem &
quietem, interpone cùm minimum
horæ dimidium.

109 Levaturus animum, fac co-
gites, quàm exiguum tempus datum
sit vitæ hominum: ex illo non opor-
tere multum descindi ad lusus, ad
commensationes, ad puerilitates, ad
neptias.

110 Breve spacium esse vitæ no-
stræ, etiam si totum bonæ menti
impenderetur. B 3 111 Non

111 Non esse nos à Deo creatos ad lufum, aut nugas : fed ad feriam, ad moderationem, modeltiam, temperantiam, religionem, omne genus virtutis & laudis.

112 Morbum corporis, morbum animi ne curaveris.

113 Exercitationes corporis non erunt immodicæ, cæterùm, aptanda rationi valetudinis. in quo fequenda erunt medicinæ confultorum confilia.

114 Sic tamen, ne quid habeamus turpe, immodeltum, oblcœnum, fligitiofum, etiam in remiffionibus & refectionibus animi, adfit aliqua memoria virtutis.

115 Abfit irrogantia, contentio, rixa, invidia, cupiditas : quæ enim convenit cruciare animum, dum delectare ftudes ? non aliter quàm fel infundas in id mel, quod cupi effe quàm dulciffimum.

116 Somnus fumendus eft tanquam medicina quædam, curanda corpori: tantummodo quantus fuf

fici

ficit. immodicus enim reddit corpora redundantia noxiis humoribus, segnia, pigra, lenta, & celeritatem mentis tardat.

117 Nec est existimandum vitæ id tempus, quod somno impenditur. vita enim vigilia est.

De Animo.

118 **I**N animo duæ sunt partes: illa quæ intelligit, meminit, sapit, ratione, iudicio, ingenio utitur ac valet. hæc pars superior appellatur, & proprio nomine, Mens: qua homines sumus, qua Deo similes, qua cæteris animantibus præstamus.

119 Est altera ex conjunctione corporis bruta, fera, atrox, bestia quam hominis similior: in qua sunt motus illi, qui sive affectus sive perturbationes nominantur, Græcè *παθῆματα*, arrogantia, invidētia, malevolentia, ira, metus, mœror, cupiditas, stulta gaudia. pars inferior nominatur etiam Animus: quâ nihil à beluis differimus:

differimus : & qua longissimè discedimus à Deo , extra morbum & perturbationem omnem posito.

120 Hic est naturæ ordo, ut sapientia regat omnia, pareant homini cætera quæ videmus. in homine verò corpus animo, animus menti, mens Deo. Si quis hunc ordinem egreditur, peccat.

121 Ergò peccatum est in homine perturbationes illas tumultuari, sævire, ac trahere ad se jus & ditionē totius hominis, spretâ & contemptâ mente : mentem etiam relictâ Dei lege, animo & corpori servire.

De Eruditione.

122 **I**dcirco menti indita est vis intelligendi, ut singula expendat, sciâtque quid factu bonum sit, quid secus : & vis volendi summa, ut imperio hujus nihil sit in animo quod non pareat, si illa contendat, nec de jure decedat suo.

223 Ingenium multis artibus, & humanis & divinis excolitur & acuitur:

acuitur : instruiturque magnâ & admirabili rerum notitiâ , quo exactiùs singulorum naturas & pretia cognoscat : possitque voluntatem docere , quid sequendum bonum, quid vitandum malum.

124 Igitur fugiendæ artes illæ, quæ cum virtute pugnant, quales sunt divinatrices omnes, quæ à Græcis *μαντεία* dicuntur : ut chiromantia, pyromantia, necromantia, hydromantia, etiam astrologia, in quibus est plurimum exitiabilis vanitatis , excogitatæ ab impostore nostro diabolo.

125 Tractantque, & profitentur id, quod sibi uni Deus reservavit, futurarum & abstrusarum rerû peritiâ.

126 Nec inquirendum 'in Dei majestatem, & arcana à cognitione nostra procul remota, à quibus Deus hominem arcuit.

127 Qui scrutatur majestatem, opprimuntur à gloria.

128 Et Paulus jubet nos non plus sapere, quam oporteat : sed sapere

pere ad moderationem. Hebræus quoque concionator inquit: Altiora te ne quæsieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus ejus ne fueris curiosus.

129 Et arcana illa, quæ vidit, negat licere homini eloqui.

130 Vitanda ars omnis à dæmone tradita, cum quibus velut Dei hostibus nullum debet nobis esse commercium.

131 Nec expedit vel philosophorum, vel hæreticorum opiniones, pietati nostræ contrarias cognoscere: nè quem scrupulum subtilis artifex diabolus in animos nostros injiciat, qui nos nimium torqueat, etiam adducat in exitium.

132 Non attingendi autores spurci, ne quid sordium animo ex contagio adhæreat.

133 Corruptunt bonos mores colloctiones malæ.

134 Reliqua eruditio munda est,

& frugifera, referatur modò ad su-
um scopum, virtutem, hoc est rectè
agere.

135 Est divina eruditio à Deo
tradita, in qua sunt thesauri omnes
scientiæ & sapientiæ reconditi. hæc
est vera mentium lux. reliqua om-
nis ad hanc collata, densissimæ sunt
tenebræ, & ut res hominum ludi-
cra & puerilis.

136 Legitur tamen vel in hoc,
quo tanquam ex comparatione ful-
gentior appareat nostra lux.

137 Tum ut testimoniis homi-
num adversus eos utamur, qui di-
vinis parum acquiescunt, ut vitiosi
oculi adversante solis splendore.

138 Ad nos quoque, commone-
faciendos, cùm in multis gentili-
um tanta præstantia fuerit virtutis,
quantam esse convenit in homine
Christiano, discipulo magistri Dei,
cui ex luce pietatis, quam profite-
tur, magna est imposita necessitas
bene vivendi.

139 Suppeditant quoque facun-
diam

28 *Ad Sapientiam*

diam & usum, ac prudentiam vitæ communis, queis nonnihil interdum indigemus.

140 Tribus velut instrumentis fabricamus eruditionem, ingenio, memoriâ, curâ.

141 Ingenium exercitatione accuitur.

142 Memoria, excolenda auge-
tur.

143 Utrunque enervant delitiæ, bona valetudo confirmat, & otia & diuturnæ remissiones profligant, exercitamenta ad manum & in promptu ponunt.

144 Sive legis ipse quid, sive audis, attentus id fac: nec vagetur mens tua: sed coge illam ibi esse, & agere quod adest, non alia.

145 Si incipit digredi, parvo murmure eam revoca. cogitationes omnes à studiis alienas, in aliud tempus differ.

146 Scito te operam & tempus perdere, si quæ legis, vel audis, non attendas.

147 Quæ

147 Quæ ignoras, nè pudeat quærere. Nè erubescere à quovis doceri, quod maximi viri non erubuerunt erubescere potiùs ignorare, aut nolle discere.

148 Quæ ignota tibi sunt, nè jactes te scire: sciscitare potiùs ab iis, quos scire credis.

149 Si videri vis doctus, da operam ut sis: nulla est compendiosior via. quemadmodum non aliâ ratione faciliùs consequeris ut existimeris bonus, quàm si sis talis.

150 Deniq; quicquid videri cupis, fac ut sis: aliter frustra cupis.

151 Falsa tempus infirmat, vera corroborat.

152 Nulla simulatio diuturna.

153 Magistrum semper sequere, noli præcurrere & illi crede: nè repugna.

154 Ama illum, & parentis loco habe: putâque verissima & certissima esse, quæcunque dicit.

155 Attende, ut quod semel errasti, emendatus iterum aut tertio nè

nè idem pecces. labora, ut proficiat emendatio.

156 Illorum decet te præcipuè meminisse, in quibus falsus es, ne te rursus decipiant.

157 Cujusvis hominis est errare: nullius, nisi insipientis, perseverare in errore.

158 Scito nullum esse sensum, per quem promptius docemur, quàm auditum.

159 Et nihil facilius, quàm audire multa, & nihil utilius.

160 Nec malis levia, aut inepta, aut ridicula audire: quàm seria, gravia, prudentia.

161 Pari labore utraque discuntur, cùm sit adeò commodum dispar.

162 Nè labores quàm multa respondere, sed quàm aptè, & in tempore.

163 Prandio tuo & cœna illos adhibe, qui te possint instituere, quique suavi ac docta colloquutione pariter & exhilarent te, & peritiorum reddant.

164 Scur-

164 Scurras, parasitos, imperitè loquaces, aut spurcè, moriones, nugatores, bibaces, & id genus hominum aptum ad risum movendum vel verbis vel factis, nec honorem mensæ tuæ digneris: nec illi te dum reficeris, oblectent: potius jucunda aliqua, & ingeniosa confabulatio.

165 Non os modò à turpibus cohibe, sed etiam aures, tanquam fenestras animi: memor dicti veteris, quod citat Apostolus: Corrum-punt mores probos confabulationes malæ.

166 Sive ad mensam, sive alio quovis loco diligenter quid quisque dicat ausculta.

167 Ex sapientibus disces, quo fias melior.

168 Ex stultis, quo fias cātor.

169 Quæ sapientes probarint, sequeris.

170 Quæ stulti laudarint, vitabis.

171 Si quid videris à cordatis recipi,

recipi, tanquam vel argutè, vel graviter, vel sapienter, vel doctè, vel ingeniosè, vel urbanè dictum, retinebis, ut & ipse in occasione utaris.

172 Habebis librum chartaceum, in quo annotabis si quid legeris, vel audieris dictum festivè, aut eleganter, aut prudenter: vel vocabulum aliquod exquisitum, rarum, utile sermone quotidiano, ut cum usus poscat, habeas paratum.

173 Annitere, nè sola verba intelligas, sed præcipuè sensa.

174 Quæ legeris, vel audieris, fac aliis narres, tum tuis condiscipulis Latinè, tum aliis linguâ tibi vernaculâ: & conare, ne minùs ipse vel lepidè, vel venustè referas, quàm audieris, vel legeris: sic & ingenium exercebis, & linguam.

175 Est etiam tractandus & agitor, & tractandus sæpenumero stylus, optimusque dicendi magister.

176 Scribe, transcribe, rescribe, crebrò, atque annota: compone al-

terni

ternis diebus, aut ad summum tertio quoque, epistolam ad aliquem qui tibi respondeat: & tuam ostende institutori emendandam, mendarum, quas sustulerit, fac recordere, nè rursus ad easdem impingas.

177 Post cibum, velut à prandio & cœna, cesset studium: summo prandio sede, confabulare, audire aliquid suave: aut sic lusita, nè nimium corpus exagites & concutias.

178 Post cœnam, quam volo esse modicam, deambulato cum iuviscendo aliquo & docto confabulatore: qui te sermone oblectet, cujus verba & sententias imitari cum decore possis.

179 Inter cœnam & quietem, vitæ omnino potum: nihil perniciosius simul corpori, memoriæ, ingenio: cum urgebit te sitis, si biberis, pone inter potum & lectum intervallum, cum minimum semihora.

180 Memoriam quiescere non
sines.

181 Nihil est quod æquè labore
gaudeat, & augeatur.

182 Commenda ei quotidie ali-
quid.

183 Quo plura commendabis,
hoc custodiet omnia fidelius: quo
pauciora, hoc infidelius.

184 Cùm aliquid ei credideris,
sine eam quiescere: & aliquanto
pòst ab ea velut depositum reposce.

185 Si quid vis ediscere, id de
nocte quater aut quinquies attentis-
simus legito: hinc ito cubitum. de
mane exigitò à memoria rationem
ejus, quod pridie credideris.

186 Cavendum à crapula, à
cruditate, à frigore, potissimum
cervicis.

187 Vinum memoriæ mors.

188 Optimum esset singulis no-
ctibus, paulò antequam cubitum
concederes, in sella te sine arbitris
sedentem, quæcunq; die illo vidis-
ses, legis, audisses, egisses, in me-
moriā revocare.

189 Si

189 Si quid fecisses honestè, moderatè, prudenter, cordatè, cum decore & laude, gauderes: scirèsque id esse Dei munus, & similia pergeres facere.

190 Si quid turpiter, immodestè, flagitiosè, pueriliter, ineptè, vituperio dignum, scires ex tua malitia profectum: doleres, & vitares in posterum.

191 Si quid vel audisses, vel legisses, elegans, doctum, grave, sanctum, retineres.

192 Si quid vidisses probatum, imitarere, si quid improbatum, fugeres.

193 Nulla tibi abeat dies, in qua vel non legeris, vel audieris, vel scripseris aliquid, quod seu eruditionem, seu iudicium, seu virtutem augeat.

194 Cubitum iturus lege, vel audi aliquid dignum, quod memorix mandetur, & de quo salubre ac jucundum sit per quietem somnigare: ut etiam nocturnis visis discas & fias melior. C 2 195 Stu-

195 Studio sapientiæ nullus in vita terminus statuendus est, cum vita est finiendum. semper illa tria sunt homini, quamdiu vivit meditando: quomodo bene sapiat, quomodo bene dicat, quomodo bene agat.

196 Ad studiis arrogantia omnis arcenda est: nam ea quæ vel doctissimus mortalium novit, non sunt minutissimum eorum quæ ignorat, exiguum quiddam & obscurum & incertum est, quicquid homines sciunt, mentesque nostræ in hoc corporeo carcere devinctæ magna ignoratione, & altissimis tenebris premuntur. acie nque adeo retusam habemus, ut nec summas penetremus rerum facies.

197 Tum profectui studiorum plurimum nocet arrogantia. multi enim potuissent ad sapientiam pervenire ni jam putassent se pervenisse.

198 Vitanda etiam contentio, æmulatio, obrectatio, inanis gloria

riæ cupido: cùm in hoc sequamur studia, ut illa fugiamus.

199 Nihil excogitari potest jucundius cognitione multarum rerum, nihil intelligentiâ virtutis fructuosius.

200 Studia res lætas condiunt, tristes leniunt, temerarios impetus juventæ cohibent, senectutis molestantam tarditatem levant: domi, foris, in publico, in privato, in solitudine, in frequentia, in otio, in negotio comitantur, adsunt, imò præsent, opitulantur, juvant.

201 Eruditio pastus ingenii verissimus, ut indignum sit, pasci corpus esuriēte animo: ex qua voluptates, & oblectamenta, & solida & perpetua: quæ alia ex aliis nascentia, & se renovantia, nunquam nos deserunt, nec lassant.

De Virtute.

201 **P**restantissima illa rerum universalum virtus, neque dono ab hominibus datur, neq; ac-

cipitur : divinitus contingit.

203 Idcirco à Deo supplicita-
piè petenda est.

De Affectibus.

204 **S**ummum in literis omnibus
atq; eruditione est ea Philo-
sophia, quæ ingentibus animi mor-
bis remedium adfert.

205 Magna cura adhibetur cu-
rando corpori: major adhibenda est
animo, quo hujus morbi & occul-
tiores, & graviores, & periculosio-
res sunt.

206 Hi non injuria tempesta-
tes, cruciatus, tormenta flagra, fa-
ces, furix animi humani nuncu-
pantur. maximam hi adferunt ca-
lamitatem, & indicibiles dolores,
si regnent, si agitentur: increden-
dam tranquillitatem, & beatitudi-
nem, si sedentur, & cohibeantur.

207 Huc tendunt, quæcunque à
maximis ingeniis de vita mori-
búsque acutissimè sunt excogitata,
atque perscripta.

208 Hoc

208 Hoc est ingens præmium literati laboris, cuius verissimus fructus est, ut non in admirationem, aut ostentationem vanam, sit nobis magna illa rerum suppellex collecta: sed ut transeat in usum vitæ, & primum omnium prosit possidenti: nec in ejus mente sit tanquam in pixidicula, unde petitur res alios juvatura, ipsi vasculo inutilis.

209 Nec aliud conatur pietas Christiana, quàm ut serenitas humanos animos exhilaret: & tranquillitate animorum, compositisq; affectionibus simus Deo & angelis quàm simillimi.

210 Remedia his morbis, vel ex rebus ac nobisipsis, vel ex Deo, vel ex CHRISTI lege ac vita petuntur.

211 Natura rerum est, ut incerta & fluxa, & momentanea, & vicissitudinaria, & vilia sint omnia, præter animum, qui est unusquisq; aut certè potissima ejus pars. reli-

qua ab aliis ad alios transferuntur, nè quis extra animum quicquam possit suum dicere.

212 Quæ habet, non donata esse putet, sed accommodata.

213 Quocirca ingentis demeriti est, grave aliquod crimen, & magnâ luendum poenâ, ob res minutas suscipere.

214 Nec se quisquam effera, quòd aliquid de externis aut corporis contigerit: cum id omne breve futurum sit, ac incertum. nec proprium, sed alienum: quod ut concessum est, sic etiam reposcetur, ad summum in morte, sæpe in vita ipsa.

215 Nec dolendum, si quod accommodatum ac velut depositum est, repetatur: quin potius agendæ gratiæ, quòd tantisper uti licuit.

216 Intolerandæ ingratiitudinis est, si sis aliquando affectus beneficio, injuriam te credas accipere, quòd id non sit perpetuum. nec quid habueris spectes, aut quamdiu: sed quid, aut quamdiu non habueris

217 Nec

217 Nec lætandum, quòd fortuita tibi accesserunt. aut amicis, adempta sunt inimicis: cùm in omnibus tanta sit celeritas, & ambiguitas, ut plerunque inani lætitiæ proximus sit acerbus fletus.

218 Nec despondendus animus, aut contrahendus reflante fortunâ: quippe adversis matutinis, interdum succedunt prospera vespertina.

219 Jam quæ conditio corporum, quæ ratio vitæ fictis ex tam vili initio, tam fragili, cùm sit anceps vita, septa tot undique periculis: & ut sit aliquantisper certa, urique non est diu duratura: quid habemus, cur in tanta infirmitate ferociamus?

220 Cùmque nihil sit aliud hæc vita, quàm peregrinatio, qua in alteram sempiternam tendimus, paucissimisque rebus ad hoc iter conficiendum egeamus.

221 Quid est quamobrem his quæ huc atque illuc volvi & jactari cernimus, sollicitemur, aut omnino moveamur.

222 Cupi-

222 Cupiditati quare servien-
dum est, cum sint futura incertis-
sima, & præsentia paucis contenta.

223 Liber ille, qui cupit solum
quæ sunt in ipsius manu: servus
qui contrâ.

224 Jam fortunæ muneribus
expleri, quid aliud est, quàm pedi-
tem multis sarcinis impediri, ac
obruï?

225 Nemo est tam stupidè a-
mens, qui non se illi civitati ad
quam tendit, & ubi morari destinat,
potiùs quàm itineri adornet, com-
ponâtque.

226 Vita hæc nostra, cum sit
natura sua fugax, & arcta; maxi-
ma ejus pars, ac fere tota perturba-
tionibus perit. neq; enim vivimus,
quamdiu affectibus concutimur, &
imprimis mortis metu.

227 Quæ cum ex infinitis cau-
sis imminet, & appropinquet,
expavenda non est ex una & al-
tera: cum necessariò perventu-
ra, fugienda non est per scelus,

aut mœrendum quodd accedat.

228 Cùm sit vita innumeris tæ-
diis ac miseriis referta, cur est tam
arctè retinenda: cùm ad alteram
æternam proficiscamur, ita nos
comparemus, ut rectà ad illam evo-
lemus, plenissimam bonorum om-
nium.

229 Ergo premimur sæpius no-
stris erroribus, quàm rebus ipsis:
cùm magna mala aut bona cense-
mus, quæ non sunt.

230 Natura & conditio, & ve-
ra rerum pretia illa sunt, quæ initio
posui, quo apparet, nihil præter vir-
tutem pulchrum aut magnum esse,
aut etiam nostrum.

231 Nos verò in consilium
mentis amorem corporis, & cupi-
dinem rerum vitæ hujus accersimus,
quæ à multis vocari solent, A-
mor nostri.

232 Hic animos viriles ener-
vat, ut nulla res tam minuta sit,
quæ in eos non penetret: nec ulla
tam exilis aut tenuis, quin eos con-
cutiat.

233 Hinc

233 Hinc tenebræ oboriuntur oculo mentis, & ubi regnum affectus occupavere, jam illis tanquam dominis blandimur, indulgemus, paremus.

234 Ita aliena mordicus tanquam nostra apprehendimus: & si detrahantur, lamentamur & afflicti sumus nosipsums.

235 Et nostra tanquam aliena negligimus, & averſamur profutura, ceu inprimis noxia: & nocitura amplectimur pro utilibus.

236 Aliena mala nobis videntur levissima, nostra illis non majora intolerabilia: & semper queruli nec aliena desideria ferimus, nec nostra.

237 Nec jam nobis placemus ipsi, nec hic mundus cum sua lege nobis satisfacit immutatas vellemus rerum naturas: tanta est ex deliciis impatientia.

238 Quæ cruces possunt cum his comparari? nec sunt alia apud vitam sanctos tormenta.

239 Nec

239 Nec. cæmones aliis suppli-
ciis sunt miserrimi, quàm superbiâ,
invidiâ, odio, irâ.

240 Cernere est vultus eorum,
qui his affectibus tenentur, quàm
varii sunt, quàm anxii, anhelii, truci-
ces, horridi: ad eundem modum &
animi sunt affecti.

241 Ira perturbationum omni-
um atrocissima, maximè hominem
dedecet.

242 Naturam hominis in trucu-
lentam mutat feram.

243 Et cùm quævis perturbatio
mentis aciem & iudicium omne
obscurat, tum ira tenebras densissi-
mas offundit, ut nec verum, nec uti-
le, nec decorum possit cernere.

244 Atrodit cor, & valetudinem
affligit.

245 Id cogit facere, quod illico
pœnitentiâ consequatur.

246 Jam in facie quàm turpis
mutatio? quæ tempestas? oculorum
ardor? dentium stridor? despuma-
tio? & totius oris pallor? fœda in
D lingua

lingua titubatio, & clamor?

247 Ut ille qui iratum se ad speculum vidit, non sine causa dicatur se non agnovisse.

248 Ob hanc torvitatem vultus, atrocitatem dictorum, crudelitatem factorum adimitur viro omnis auctoritas, omnis benevolentia, diffugiunt amici, recedunt obvii, solitudo undique, omnes oderunt, omnes detestantur.

249 Quo fit, ut maximi viri nihil vel caverint magis, vel tlexerint, quàm iram, & irati opera: adeò ut naturæ etiam suæ repugnarint, ac vim attulerint.

250 Quid enim ridiculum magis, quàm tantulum, tam imbecillum animalculum, sic ferocire, ac furere?

251 Et tantas tragœdias, tam atroces, de vilissimis rebus exitare, ut de corporeis, de fortuitis: etiam, si diis placet, de uno verbulo?

252 Iram facilè domabis, si illud animo perceptum & fixum tenueris.

253 Inju-

253 Injuriam non fieri, nisi lædatur animus: qui à nemine noceri potest, nisi à possidente, introducto in eum vitio.

254 Hæc ad hominem, ex homine: nunc altiùs, nempe ex Deo: etiam si & illa quoque ex Deo: sed hæc aliquanto expressiùs, ac propius.

De Religione.

255 **N**ihil potuit hominum generi dari majus, aut præstabilius, quàm religio, quæ est cognitio & amor principis & parentis universitatis mundi hujus.

256 In nullos homines æquè est beneficus Deus, ac in illos, quos docet quis sit verus sui cultus.

257 Idcirco Psalmista inter maxima Dei in populum Israeliticum munera, illud ponit: Qui annuntiavit verbum suum Jacob, justitias & judicia sua Israel.

258 Non fecit taliter omni nationi, & judicia sua non manifestavit eis.

48 *Ad Sapientiam*

29 Per religionem Deus cognoscitur: cognitus fieri nequit aliter, quin ametur.

260 Unus Deus est princeps, & autor, & Dominus universonum, qui potest, qui scit omnia.

261 Mundus hic, est velut domus quædam ejus, vel potius templum: ipse ex nihilo in hanc faciem atque ornatum protulit: unde nomen accepit apud Græcos, ornati.

262 Idem regit atque administrat, non minore conservationis miraculo, quàm creationis.

263 Et quemadmodum in domo prudentissimi patrisfamiliâs nihil injussu ejus agitur: sic in omni mundo nihil injussu Dei geritur, omnia potentis & scientis.

264 Illi angelos, dæmones, homines, animantia, stirpes, lapides, cælos & elementa, cuncta denique curæ esse, ac parere.

265 Nihil fieri, nihil moveri, nihil contingere, ac nè stipulam quidem attolli ullam, aut floccum volitare.

volitare, extra illius præscripta & iussa.

266 Hanc esse universi legem, non alium esse in rebus casum, non fortunam, aut sortem.

267 Omnia ab eo fieri cum summa æquitate & sapientia, tametsi viis nobis ignoratis.

268 Quæcunque cuivis contingunt, ad ejus referri commoda, si sit bonus: non ad ista pecuniolæ aut mundi hujus momentanei, sed illius æternæ salutis.

269 Ergo quæcunque in hoc mundo accidunt, tanquam ab autore Deo profecta, æquis animis accipienda atque approbanda sunt. ne affectu nostro, & tanquam iudicio consilium damnare videamur, & improbare voluntatem iustissimi illius & sapientissimi rectoris omnium Dei, quia non assequimur.

170 Ei nos obsequi ac subditos præbere, laudare atque approbare cuncta quæ facit, fas piûmque est.

29 Per religionem Deus cognoscitur: cognitus fieri nequit aliter, quin ametur.

260 Unus Deus est princeps, & autor, & Dominus universorum, qui potest, qui scit omnia.

261 Mundus hic, est velut domus quædam ejus, vel potius templum: ipse ex nihilo in hanc faciem atque ornatum protulit: unde nomen accepit apud Græcos, ornati.

262 Idem regit atque administrat, non minore conservationis miraculo, quàm creationis.

263 Et quemadmodum in domo prudentissimi patrisfamiliàs nihil injussu ejus agitur: sic in omni mundo nihil injussu Dei geritur, omnia potentis & scientis.

264 Illi angelos, dæmones, homines, animantia, stirpes, lapides, cœlos & elementa, cuncta denique curæ esse, ac parere.

265 Nihil fieri, nihil moveri, nihil contingere, ac nè stipulam quidem attolli ullam, aut floccum volitare.

volitare, extra illius præscripta & iussa.

266 Hanc esse universi legem, non alium esse in rebus casum, non fortunam, aut sortem.

267 Omnia ab eo fieri cum summa æquitate & sapientia, tametsi viis nobis ignoratis.

268 Quæcunque cuivis contingunt, ad ejus referri commoda, si sit bonus: non ad ista pecuniolæ aut mundi hujus momentanei, sed illius æternæ salutis.

269 Ergo quæcunque in hoc mundo accidunt, tanquam ab autore Deo profecta, æquis animis accipienda atque approbanda sunt. ne affectu nostro, & tanquam iudicio consilium damnare videamur, & improbare voluntatem justissimi illius & sapientissimi rectoris omnium Dei, quia non assequimur.

170 Ei nos obsequi ac subditos præbere, laudare atque approbare cuncta quæ facit, fas piúmque est.

271 Nos pueri, & meliorum rerum inscii, quæ damnosissima sunt deflemus non dari, tanquam utilissima: quæ utilissima, horremus tanquam adversissima.

272 Ut nihil sit nobis sæpenu-mero pestilentius, quàm fieri votorum nostrorum compotes.

273 Cùmque in tantis tenebris ignorationis versemur, sic Deo visum est, ut nobis sola sit præstanda culpa, cætera omnia illius curæ remittantur.

274 Nobis velimus nolimus exsequendum est, quod de nobis statuit ac jubet rector hujus tanti operis: quorsum igitur spectat male cum lacrymis detractantes & reluctantes trahi, quàm hilariter & alacré duci?

275 Certè amicus omnis DEI, legibus & voluntati amici obtemperabit.

276 Hæc potissima ratio est Dei amandi, sicut Christus inquit: *Vos amici mei eritis, si feceritis quæ ego precipio vobis.*

277 Pa

277 Pacificator humani generis cum Deo, & autor salutis nostræ est Jesus Christus, homo Deus, Dei omnipotentis Filius unigenitus, quem ad hoc ipsum Pater misit, cum ei visum est misereri generis humani; quod maximo suo malo inimicum se fecerat Deo.

278 Nullum excogitari potest malum pestilentius, aut exitiabilius, quàm per peccatum à Deo separari. perenni bonorum omnium fonte, ad perniciosissimam converti miseriam, & à dulcissima vita in acerbissimam mortem.

279 In hoc inter cætera Christus venit, ut rectissimam viam nos edoceret, qua insisteremus proficiscentes ad Deum, nec ab ea vel pilum deflecteremus.

280 Hanc ipse & verbis indicavit, ac patefecit, & exemplo vitæ suæ munivie expeditissimam atque certissimam.

281 Humana omnis sapientia, si cum religione Christiana confertur,
D 4 feratur,

feratur, cœnum est, & mera stultitia.

281 Quicquid grave, prudens, sapiens, parum, sanctum, religiosum: quicquid cum admiratione, exclamatione, plausu apud gentiles sapientes legitur: quicquid ex illis commendatur, ediscitur, in cœlum tollitur: id totum purius, rectius, apertius, expeditius invenitur in pietate nostra.

283 Hanc nosse, perfecta est sapientia: juxta hanc vivere, perfecta virtus. sed nemo verè novit, qui non sic vivat.

284 Vita Christi testatur humanam ejus probitatem: miracula, omnipotentiam divinitatis: lex, cœlestem sapientiam.

285 Ut ex probitate accedat exemplum ad imitandum, ex auctoritate vis ad obediendum, ex sapientia fides ad credendum.

286 Probitas amorem eliciat, majestas cultum, sapientia fidem.

287 Si quis quæ Christus præcipit

capit expendat, comperiet omnia ad nostras utilitates referri, ut nemo nisi maximo suo bono sentiat se credere.

288 Ut nihil est homini gratius, quàm fidi sibi, ita nec Deo, nec quisquam bene de illo cogitat, cui timidè se ipsum tradit.

289 Fundamentum salutis est, credere Deum esse Patrem, & hujus Filium unicum Jesum Christum Legislatorem nostrum: & ex utroque spirari sanctum illum afflatum, sine quo nihil agimus, nihil cogitamus excelsum, aut profuturum nobis.

290 Verus Dei cultus est, animum morbis & pravis affectibus perpurgare: & in illius quàm proximè possumus transformari simulacrum, ut puri & sancti simus, sicut & ipse est, neminem oderimus, omnibus prodesse studeamus.

291 Quo magis te à corporalibus ad incorporea transtuleris, hoc vitam diviniorẽ vives:

292 Ita

54 *Ad Sapientiam*

292 Ita fiet, ut Deus cognatam & similem sibi naturam agnoscat eaque delectetur: ac velut in vero & germano Templo habiter, multo sibi acceptiore, quàm ista sunt lapidum & metallorum.

293 Templum Dei sanctum est, inquit *Paulus*, quod estis vos.

294 Tantus hospes conservandus est: nec tetro peccatorum foetore expellendus.

295 Corporalia opera fatua sunt ante DEUM, nisi conditura ex animo addatur.

296 In occultissimis recessibus, & procul ab omnium oculis, atque adeò in corde ipso, atque in animo tuo scito te habere Deum arbitrum, testem, judicem omnium, etiam cogitationum tuarum: ut illius præsentiam reveritus, nihil non modò facias, sed nec in animum admittas nefarium aut turpe.

297 Charitas erga Deum hæc esse debet, ut illum cæteris rebus universis anteponas, honorémque
&

& gloriam illius chariorem habeas, cunctis vitæ hujus honoribus & commodis.

298 Et quemadmodum amicus, cum amici memoria occurrit, benevolâ quadam afficitur & piâ lætitiâ: sic curare te decet, ut divina omnia amicissima tibi sint, & proinde gratissima, verferisque in illis multò libentissimè.

299 Quoties nominari audis Deum, majus quiddam & admirabilius occurrat, quàm quod possit humana mens capere.

300 Quæ de illo & divinis dicuntur, audi, non quo modo humana, sed cum magna animi admiratione.

301 De Deo nè quid temerè censeas, aut de illius factis pronuncies aliter, quàm venerabundus & timidè.

302 Impium, in res sacras joculari, aut dicta sanctarum scripturarum ad lusus, ineptias, aniles fabulas, scommata convertere: ceu
quis

quis medicina ad salutem parata
cœnum aspergat: ab obscœnitate
autem trahere, id verò nefarium &
intolerabile.

303 Omnia decet illic esse admi-
randa: & cum ingenti dignatione
in animo recipienda.

304 Sacris intersis attentè ac piè,
non ignarus, quæcunque ibi seu vi-
des, seu audis, esse purissima & sa-
crofancta, spectatæque ad immen-
sam illam Dei maiestatem: quam
adorare facile est, comprehendere
impossibile.

305 Ita ut in divina illa sapien-
tia altiora semper existimes latere,
quàm quò possit vis ulla humani
ingenii pertingere.

306 Dicta sapientum hominum
etiam non intellecta veneramur,
quanto id æquius divinis deferri.

307 Quoties nominari audis Je-
sum Christum, toties veniat tibi in
mentem charitas illius in nos inæ-
stimabilis, & recordatio illius sit tibi
dulcedinis & venerationis plena.

308 Cùm

308 Cùm titulum aliquem, aut epithetòn Christi audis, extolle te in ejus contemplationem : & ora, ut talem se præbeat erga te, velut cum clementem, mitem, placidum: ut talem illum experiare, cùm omnipotentem, ut id ostendat in te, expressimo reddens optimum, ex hoste filium, ex nihilo aliquid: cùm terribilem, ut eos à quibus terrere, terreat.

309 Cùm Dominum vocas, fac illi servias: cùm Patrem, fac ames, & te dignum præstes tanto parte filium.

310 Nulla res est in toto universo, cujus si vel originem, vel naturam, vitæque intuearis, non supeditet, quo autorem omnium Deum admireris, & adores.

311 Nihil exordire, non invocato priùs numine. Deus enim, in cujus manu sunt progressus & exitus, optatos eos tribuit iis actibus, quos ab ipso auspicamur.

312 Quicquid aggressurus es,
finem

finem spectato: & ubi tu rectum consilium præstiteris, de eventu nè sis sollicitus.

313 Illi fide, in cuius potestate sunt rerum eventus.

314 Quandoquidem religio omnis sita est in intimis pectoris, præceda operam ut intelligas: & cave nè ore tantum permurmures, sed cum oras, totus & animo & mente, & cogitatione, & vultu in hoc sis, ut omnia secum consentiant, & excellentissimæ respondeant actioni.

315 Execrantur illum cœlestia oracula, qui opus Dei facit negliger.

316 Si in ciitharædo turpe est, aliud ipsum ore, aliud fides ejus sonare: multo est turpius: cum Deo psallimus, aliud linguam dicere, aliud animum cogitare.

317 Vota nostra sobria sint, & digna quæ à Deo petantur, & quæ Deus det: nè stulta illum, aut inepta offendant.

318 Sumpturus cibum, recorda-

re omnipotentis Dei, qui cuncta ex nihilo condidit sapientis ac benignitatis, qui ea sustinet: mansuetudinis & clementis, qui etiam inimicos suos pascit.

319 Expende quantum illud sit, tot vitis universitatis mundi hujus, tam variam quotidie alimoniam sufficere, conservare omnia, & vindicare ab interitu, quo nutu suo tenentur.

320 Nullam neque hominum, neque angelorum sapientiam non modò hoc non posse præstare, sed nec intelligere.

321 Itaque, cum scias te de illius bonis vivere, cogita quàm execrandæ sit ingratitudinis, quàm perditæ remeritatis, audere te cum illo inimicitias exercere, ejus beneficio & voluntate consistis: non amplius, si nolit, futurus.

322 Ad mensam sint casta omnia, pura, cordata, sancta: qualis ille est, inter ejus munera tunc versaris.

323 Omnis detractio, virulentia,

tia, atrocitas, crudelitas à mensa arceatur, in qua tu sentis incredibilem Dei erga te suavitatem & clementiam.

324 Quo intolerabilius est, eum te locum asperitate aut odio in fratrem contaminare, ubi tu benignam & largam in te lenitatem percipis.

325 Quod nec gentiles ignorarunt, qui eam ob causam mensæ sacra nominabant læta & festa: ad quam triste aliquid aut atrox dici, fieri ve nefas erat.

326 Cùmque sis omnipotenti, sapientissimo, largissimo Deo curæ, tu immodicam sustentandi tui curam depone, tanquam bonitati illius diffusus. unicam curam suscipe, quomodo illi placeas, ac satisfacias.

327 Stultissimum est, alimenti causâ prævum ullum facinus admittere: & illum offendere, à quo solo alimenta veniunt: ut cum tibi iratum facias, à quo aliquid contendis impetrare.

328 Præsertim

328 Præsertim cùm non alimentis conservetur vita, sed voluntate Dei, quemadmodum divinis oraculis declaratum est, Non pane hominem vivere, sed verbo Dei.

329 Habemus syngrapham Jesu, universorum in cœlo & in terra Domini: nihil eorum quæ sunt opus homini, defuturum iis, qui quæserint regnum Dei, & justiciam ejus.

330 Tum ex Dei donis, quæ ipse arbitrio suo & largitur, & tollit, cùm is in te tam benignus fuerit, tu in fratrem tuum, illius filium, malignus nè esto, reputans vos ex æquo esse Dei filios: nec Deum plùs tibi debere, quàm illi tantum voluisse te dispensatorem & administratorem esse, & à quo secundùm Deum frater tuus peteret.

331 Nihil verius datur Christo, quàm quod egenis datur.

332 Sumpto cibo, considera cujus sit sapientiæ, cujus potentia,

E

vitam

vitam nostram iis rebus quas edisti sustentare, & ruentem fu'cire.

333 Itaque habeas Deo gratiam non quantum haberes illi, qui tibi pecuniâ suâ cibarium emisset: sed quanta habenda est ei, qui te & cibum ipsum condidit, & cibum propter te, & cibo te sustentat, non vi illius, sed suâ.

334 Cùm petis quietem, & cùm surgis, reminiscere beneficiorum Dei, non in te solùm, sed in totum genus hominum, atque adeò mundum universum.

335 Cogita quantæ fiat hostis hominum per licentiam quietis insidiæ, dum homo velut cadaver jacet, impos sui: quo instantius orandus est Christus, ut nos tam imbecillos tueatur.

336 Nec ullo nostro peccato irritandus est custos & præf. s. noster.

337 ☩ Et frons & pectus crucis notâ exteriùs muniendum: interiùs verò, piis precibus, & sanctis meditationibus.


338 Ubi

338. Ubi jam lætum ingrederis, fac cogites, unumquemque diem imaginem esse humanæ vitæ: cui succedit nox & somnus, simulacrum mortis expressissimum.

339 Itaque rogandus est Christus, ut in vita & in morte adsit semper propitius ac favens, il'ámq; ipsam noctem præbeat nobis placidam atque tranquillam.

340 Nève insomniis terreamur: sempérque, etiam sopitis, ille menti nostræ obversetur. illius solatiis recreati ad matutinum tempus, sospites & læti perveniamus; cum pia memoria sanctissimæ mortis ipsius pretii, quo genus humanum redemptum est.

341 Cubile servabis. easum mundúmque, nè jus ullum in id inveniat autor ille & caput totius spurcitiei.

324  Signo crucis, & sacrâ aquâ, & invocatione divini numinis, sed imprimis sanctis cogitationibus, & statuto custodiendæ pietatis,

ratis, omnem ab eo diaboli ditio-
nem pelles.

243 De mane surgens commen-
da te Christo : cui & age gratias,
quòd illius ope ac præsidio non es
illâ ipsâ nocte oppressus dolis &
invidiâ immanis hostis.

344 Et quemadmodum de
noctè dormiisti , postea evigila-
sti : sic nostra corpora recordare
dormitura per mortem, hinc red-
denda vitæ à Christo , cùm appa-
rebit iudex vivorum & mortuo-
rum.

345 Quem supplex obtestare ,
ut sequentem diem velit ac faciat
te in obsequio suo totum consume-
re, nè quem lædas, neu à quo læda-
tur tua probitas : sed septus undi-
que ac munitus pietate Christianâ,
sospes & integer tot evadas retia,
tot pedicas, quot per vias omnes &
aditus humanos sparsit tetenditque
insidiosus diabolus.

346 Sanctissimam D E I paren-
tem Mariam, & reliquos divos, di-
vâsque

vásque venerare, * tanquam charos
amicos Christi Dei, viventis in se-
cula seculorum. * *Cultu civili.*

347 De illorum vita & actis
crebrò vel legito, vel audito atten-
tissimus & libentissimè, pio & ve-
nerabundo animo, ut tibi ad imita-
tionem profint.

348 De illis sic senti, sic loque-
re, tanquam non jam hominibus,
sed supergressis naturam omnem &
fastigium humanum divinitati pro-
ximis & conjunctis.

349 Inter homines verò cùm
tanta sit cognatio similitudinis in
corpore, & toto animo, simúsque
omnes pari jure in mundum inve-
cti, ad societatem & vi æ communi-
onem facti : ad hanc conservandam
lex est à natura proclamata nè quis
alteri fecerit, quod sibi factum no-
lit.

350 Hoc unum iustaurator ille
naturæ collapsæ suum esse dogma-
professus est, sed explicatum & il-
lustratum.

351 Nam ut humanam naturam ad similitudinem Dei, quoad ejus fieri potest, sublatam suis omnibus numeris consummaret, non modò mutuum amore n̄ imperavit, sed eorum quoque qui nos oderunt.

352 Ut simus cœlestis Patr̄s similes, qui suos quoque inimicos amat: quod declarat beneficiis illos prosequendo, & quidem maximis, neminem odit.

353 Quid quòd hominum ingenium ità fert, ut benevolos in se illos velint: etiam in quos ipsi sunt malevoli.

De Charitate.

354 SApientissimus vitæ nostræ Magister, nempe & autor, unicum dedit ad vivendum documentum, ut amemus: gnarus vitam nostram, si amemus, fore felicissimos, nec aliis opus esse legibus.

355 Nihil felicius quàm amare: idcirco Deus & angeli felicissimi, qui amant omnia.

356 In-

356 Infelicius nihil quàm odif-
se, quo affectu miserrimi sunt dia-
boli.

357 Verus amor omnia exæ-
quat: ubi is viget, nemo alteri quæ-
rit præferri, nemo à dilecto rapere:
cùm apud se censeat, quæ apud il-
lum.

358 Non litem movere fratri
charo, ac neque se unquam injuriâ
putat ab illo affici: ideo nec ultio-
nem meditatur. Nemo invidet ei,
quem amat: nec quisquam malis a-
mici gaudet, nec bonis indolet:
contrâ potius, gaudet cum gauden-
tibus (juxta dictum Apostoli) flet
cum flentibus: idque non fictè aut
simulatè: sed ex animo; quoniam
amor omnia reddit communia,
suæque esse existimat, quæ sunt ejus
quem amat.

359 Documenti hujus solidum
& verissimum exemplar oculis no-
stris ad imitationem præpositum
sunt Christi actiones.

360 Venit enim Dei filius, non

ut verbis modò, sed exemplo vitæ suæ rectam nos doceret vivendi rationem, ut illustratis sole illo suo animis nostris, apertè qualis quæq; res esset cerneremus.

361 Primùm exercitus per omne genus patientiæ, quantam ostendit animi moderationem, in quantâ potentia? impetitus tot, tam gravibus contumeliis, nemini remaledixit: tantùm docuit viam Dei adversam detestatus: vinciri se est passus, qui mundum evertere vel unico poterat nutu.

362 Calumniam quàm patienter tulit?

363 Denique sic gessit sese, ut nemo in eo potentiam noverit, nisi ad juvandum.

364 Rex & Dominus universorum, per quem fecit pater hunc mundum, quàm æquè tulit æquari se infimis mortalium? & propriam sibi domum, & charis suis ministris deesse alimenta?

365 Conditor rectorque natu-

rae, malorum naturae nostrae expers non fuit, esuriit, sitiit, defessus fuit, & mœstus: quorsum hæc, nisi ad exemplum nostrum?

366 Tam amicus pacis, concordiae, charitatis, ut nullum vitium magis sit infectatus, quam superbiam: & quæ illinc oriuntur, arrogantiam, ambitionem, contentionem, dissidia, similitates.

367 Ostendens nihil esse cur quis vel ab externis sibi quicquam arroget, vel à corporeis cum sint adventitia & aliena.

368 Nec ab internis, & virtute, cum à Deo dentur: & ob hoc ipsum tolluntur: quod quis ejusmodi muneribus sese offerat, nec fontem atque originem agnoscat: despiciens eos ad quorum utilitatem hæc à Deo accepit.

369 Et ad superbiam infringendam, nè quis tanquam ritè subditus religioni, & servator legis Evangelicæ sibi placeat, audivimus ab eo: *Cum omnia quæ vobis præcepi feceri-*

feceritis, dicite, Servi inutiles sumus.

370 Quanta stultitia est eorum, qui se exactè Christianos gloriantur? & aliis in observanda lege sese anteponunt?

371 Cùm nemo de se norit, an virtutem habeat, utrum odio Dei an gratiâ dignus sit: an ille, cui sese præfert, virtute sit locupletior: an ascitus & destinatus in consortium cœlestium, cùm sit ipse miseriis sempiternis assignatus.

372 Idcirco iudicium omne de homine homini ademit, cæco & ignaro recessuum cordis, ad se transtulit scrutatorem pectoris humani.

373 Exteriora enim, quæ sola oculus hominis intuetur, infirma & incerta sunt interiorum signa.

374 Non ergò uno congressu, quod nonnulli faciunt temerarii, non centum, non longissimo convictu de ingenio, vitiis, aut virtutibus cujusquam sententiam in totum feras.

375 Lon-

375 Longissimæ & obscurissimæ sunt in humano corde latebræ, quæ humana acies in tantam caliginem penetrabit?

376 Et cùm Christus universum genus hominum morte suâ sibi asserverit, tantoque precio de servitute diaboli redemerit, nemo ausit contemnere, nemo ludere animam; quam ita Dominus amavit, ut nihil cunctatus sit vitam suam pro illa effundere.

377 \equiv Pro universis crucifixus est Dominus, & pro singulis.

378 Nec speres fore Christo rem gratam, si tu oderis, quem ille amat.

379 Hanc vult sibi referri gratiam, ut quemadmodum ipse Dominus nos servos nequam & pessimè meritos amavit, ita & nos conservos nostros.

380 Hic inchoavit mutuam hominum inter se & cum Deo charitatem, hoc est, humanæ beatitudinis jecit fundamenta, in cœlo absolvit.

381 Hæc

381 Hæc est vita & gratia Christi, sapientia humanum ingenium excedens: æquitate intelligentibus congruens, bonitate cunctos alliciens.

382 Nemo se Christianum esse putet, nemo se Deo esse charum confidat, si quem odit: cum Christus nobis homines omnes commendarit.

383 Hominem tibi à Deo commendatum, si dignus est, ama, quia dignus est quem ames: si indignus, ama, quia Deus dignus cui pareas.

384 Non jejunia, non erogatæ opes omnes in pauperum usum, hominem Deo gratiosum reddunt: sola hoc præstat hominum charitas: hoc nos Apostolus ejus docuit.

385 Nullum videbis hominem, quem non existimes debere tibi esse fratris germani loco, ut ejus rebus prosperis gaudeas, adversis doleas, juvêsq; quantum erit opis tuæ.

386 Non

386 Non natio affectum hunc minuatur, non civitas, non cognatio, non professio, non conditio, non ingenium, unus est omnium pater Deus: quem tu edoctus à Christo quotidie *Patrem* compellas: qui te filium agnoscet, si tu ejus filios fratres non agnoveris?

387 Nè si tibi turpe fratrem illum habere, quem Deus non dedignatur filium.

388 Pacem & concordiam, & amorem invexit Deus.

389 Partes, & factiones, & privatas utilitates cum alienis damnis, sicut etiam dissidia, rixas, contentiones, bella, diabolus peritissimus horum artifex.

390 Deus quia vult nos salvos, spargit benevolentiam: diabolus quia perditos, inimicitias.

391 Concordiâ etiam pusilla coalescunt: discordiâ maxima dissipantur.

392 Qui pacem, qui concordiam student inter homines vel conciliare,

ciliare, vel conservare sartam testam, *ii filii Dei* vocabuntur, teste Christo: hi verè sunt pacifici, de quibus ipse loquitur: qui verò discordias ferere, charitatem hominum inter se rescindere, *ii filii diaboli*.

393 Summum inimicitiarum, quo belluarum feritatem omnium homo superat, bellam: scio rem esse non hominum, sed quod verbum ipsum loquitur, belluarum.

394 Quàm detestatur natura, quæ hominem inermem genuit, ad mansuetudinem & communionem vitæ: averfatur Deus, qui penitus vult & imperat mutuam inter homines omnes charitatem.

395 Nec quisquam homo homini vel bellum facere, vel nocere potest sine scelere.

396 Si quem arbitreris iniquo aut infenso esse in te animo, nulum laborem aut operam refugias, dum illum quacunque ratione lenias, & places tibi.

397 Neque in ea re vel precibus,

vel

vel obsequio, vel fortunis parcas,
modò tibi gratiam omnium pares,
celerem viam ad gratiam Dei.

398 Neminem irriseris, cogi-
tans quod uni alicui accidit, posse
cuius accidere: age potius Deo
gratias, quòd te extra eam sortem
posuerit: & ora, tum tibi nè quid
iale accidat, tum illi sic afflicto sal-
tem remedium aliquod, vel æquum
animum: & ipse subveni, si potes.

399 Crudelis animi est, alienis
malis gaudere, & non miserari com-
munem naturam.

400 Esto hominibus misericors,
& consequere à Deo misericordiam.

401 Fortuna & casus humani,
sunt omnibus communes: unicuiq;
minantur, unicuique impendent.

402 Hoc amore hominibus de-
bitò, nihil existimato posse te facere
apertius & congruentius, quàm si
maximum bonum, hoc est, virtutem
eis procuraveris: si studueris, ut
omnes si potes, utique quampluri-
mos reddas bonos.

403 Ni.

403 Nihil magis amori dissonum, nihil damnosius aut deterius feceris, quàm si quos malos, reddideris vel suasis, vel exemplo, vel ullo alio incitamento.

404 Primum omnium & felicissimum est, si ames etiam odiosus: sed jucundissimum quoque est, & maxime tutum amari.

405 Nullæ certiores opes, quàm certæ amicitiae.

406 Nullum potentius satellitium, quàm amici fideles.

407 Solem è mundo tollit, qui è vita amicitiam.

408 Sed vera & solida & duratura amicitia, tantummodo est inter bonos, inter quos facile amor coalescit.

409 Mali nec inter se amici sunt, nec cum bonis.

410 Ut ameris certissima est brevissima per amorem via: nihil enim sic amorem elicit, ut amor.

411 Conciliatur quoque virtute, quæ naturâ suâ amabilis est,

vel ignotissimos ad se amandam invitet & trahat.

412 Tum etiam virtutis signis, mansuetudine, modestiâ, pudore, humanitate, comitate, affabilitate: si nihil vel dixeris, vel feceris, quod arrogantiam, aut insolentiam, aut petulantiam, aut obscœnitatem recipiat: omnia sint dulcia, mitia, lenia & pura.

413 Amicitiae venenum, sic ames tanquam osurus: & amicum sic habeas, ut putes posse inimicum fieri.

414 Salutare illud, odi tanquam amaturus.

415 In amicitia nulla sit inimicitiae cognitio. quem habes amicum, nè credas futurum unquam inimicum: alioqui infirma & fragilis erit amicitia.

416 In quo decet in esse fidem, constantiam, simplicitatem, ut de amico nè ipse suspiceris, nec suspitentibus aut deferentibus aurem accomodes.

417 Vita non est vita suspicacibus aut timidis, sed assidua mors.

418 Nè in alienas vitas inquiras, nève curiosius scruteris quid quisque agat, multæ hinc suboriuntur simultates.

419 Et qui hæc faciunt, suorum solent esse incuriosi, alienorum solliciti. Stultum est, alios tam probe nosse, seipsum ignorare.

420 Nec amare tantum homines debes, sed etiam quos æquum est revereri, ac inter eos honestè versari, & cum decore: in quo est officium vitæ communis.

421 Nè putes nihil interesse, ubi, cum quibus, apud quos agas.

De Convictu Hominum.

422 **S**it tibi inter homines modestia, & moderatio in universo corpore: & præcipuè in oculis, ac ore toto, à quo absit species omnis fastidii & contemptus, absit gesticulatio & lascivia: serenitas illud & quietudo exornent, argumentum

mentum animi ad eum modum affecti.

423 Solum humanæ faciei tegumentum decorum imprimis & favorabile, modestia & verecundia, quâ nudis nihil dici potest foedius aut detestabilius.

424 Desperanda illius salus, quem desit pudere malefacere.

425 Nec vultus sit in atrocitatem, aut severitatem nimiam compositus: unde colligitur sævus & impotens animus.

426 Rîsus nè sit frequens, aut immoderatus, aut cum clamore & concussione corporis, nè in cachinnum aut risum exeat.

427 Nullam esse rem talem existima, quæ te tantopere queat exhilarare, ut ingentem attollere risum cogat.

428 Sed risus potest esse causa aliqua, irrisus nulla.

429 Irridere bona nefas, mala crudelitas, media stultitia, probos impium, improbos sævum, notos

immanitas, ignotos dementia, denique hominem inhumanum.

430 Oculi sint quieti, manus nè ludibundæ, nè gesticulatrices.

431 Nec assuesce quenquam cedere, ex talitro venit ad pugnum, hinc ad fustem & ferrum.

432 Solos bonos vero ac germano honore prosequere, qui ex veneratione animi nascitur.

433 Magistratibus exteriorem honorem exhibe, illisque audiens esto, etiamsi gravia & molesta imperent. hoc enim vult Deus, propter publicam quietem.

434 Divitibus cede, nè irritati & tibi & aliis bonis noceant.

435 Seni assurge, reveritus ætatem & rerum usum, prudentiamque, quæ in illa esse solet. Honorationi alienæ non modò paria facito, verum etiam juxta præceptum Apostoli, *præverte*. Salutantem non resalutare, nec feliciter precanti feliciter reprecari, si id factum cognos-

cas, aut extremæ barbarici est, aut incuriæ socordissimæ. Quàm exiguæ res sunt & nullius impendii, salutatio, affabilitas, comitas, honor? at quàm magnas amicitias conglutinant exhibitæ, dissolvunt prætermittæ? Quanta est bonarum rerum ignorantia nolle multorum benevolentiam tantulo redimere? Generosissimè ut quisque est, & optimè educatus, ita se maximè mittem omnibus & comem præbet: ut fastidium & ferocia ex utilitate sunt, aut hebetudine, aut imperitiâ, unde in bonas artes eruditio: *Humanitas* nuncupata est. Ipse si non salutâre, aut resalutâre, negligentia magis ascribito, vel inconsiderantia, quàm contemptui. parum blandè aut honorificè appellatus, seu moribus, seu naturæ attribue, non malitiæ, vel odio. Hisce interpretationibus ac similibus, sanctam tibi ac jucundissimam parabis vitam. quippe omnes diliges, nec à quoquam te offensum arbitrare.

Vetus dictum, *ut verax*, nè *suspica* : hoc verbis novum, sententiâ priscum, *Ut quietus*, nè *suspica*.

436 Neminem contemnere videaris, non vultu, non verbo, non facto aliquo.

437 Si inferior es, quis superiorum ferat se contemni ab te & si major, irritas, & avertis minorem contemptu.

438 Intolerabilis est contemptus propterea quod nemo videtur sibi tam vilis, ut contemptum mereatur.

439 Multi laborant, ut a contemptu se vindicent, sed plures ut de contemptu.

440 Nec quisquam tantus est, quem non aliquando fortuna indigere minimis cogat.

441 Præter hæc omnia, nullus est contemptibilis, quem Deus filium dignatur, nisi in hoc Dei iudicium contemnas.

442 Et sæpe quem homines contemptu dignum putant, si perpe-
re rscruta-

scrutarentur, veneratione & adoratione dignissimum comperirent.

De Verbis.

443 **L**inguae dedit Deus hominibus, ut sit instrumentum societatis & communionis, ad quam natura hominem homini conciliat.

444 Hæc magnorum & bonorum & malorum est causa, prout utaris: scitè Jacobus Apostolus assimilavit eam *clavo navis*: fræni sunt illi injiciendi: & cohibenda, nè vel aliis noceat, vel sibi ipsi.

445 Nullum est peccati ut facilius instrumentum, ita nec crebrius.

446 Nemini convicium feceris, neminem execreris, nemini noceto, non modò in re, sed nec famam atque existimatione.

447 In neminem petulantius aut procacius debaccheris, vel effusus ac immoderatus invehare, etiam laceratus & læsus: magis enim

te & apud Deum, & apud homines
cordatos lædes, quàm illum ipsum
cui maledicis.

448 Convitium convitio regere,
est lutum luto purgare.

449 Minitari, muliercularum
est, nec probarum.

450 Nec sis tam tener, ut ver-
bulis transverbereris.

451 Nec facundiam exerceas
caninam, nec disertì laudem affe-
ctes, in alienam contumeliam, in
quem infantem & mutum esse sa-
tius est.

452 Alios reprehendere nè sis
solicitus : hoc cura, nè in te sit, quod
alii possint meritò taxare.

453 Verùm reprehendens nè
utare acerbitate, aut atrocitate ullà
verborum : fac ut objurgationis a-
marori aliquid admisceatur dulce,
quod plagam leniat, siquam facis.

454 Modò fructus pereat repre-
hensionis dum rem studes nimiùm
mitigare : neu in assentationem
prolabaris.

455 Assen-

455 Assentatio deformis vitium turpe illi, qui dicit: perniciosum ei, qui audit.

456 Nec putes rem ullam esse tantam, ut à recto & vero propter eam sustineas deflectere. non hoc à te opes, non ullæ necessitudines, non preces, non minæ, non mortis metus & certum periculum extorqueant.

457 Sic tibi & auctoritatem parabis, & fidem, ut oracula putentur esse, quæcunque dicas. aliter despicieris, & indignissimus iudicaberis, qui vel audire.

458 Sermone utitor modesto, civili, comi: non aspero, non rusticano, vel imperito, sed nec accurato, aut affectato nimis. ne cum loquendum sit ut intelligamur, sermoni tuo interprete sit opus.

459 Nec contumeliosum usurpes sermonem, aut reprehensorium, aut rigidum: sed neque blandum, aut fractum, aut adulatorium.

460 Est quiddam mediocre, quod
nec

nec suam dignitatem abjicit, nec alienam tollit.

461 Lascivia & spurcities à sermone extirpanda, ut à cibis venenum.

462 Nec celeritatem in loquendo rimiam suscipias, nec ut cogitationem prævertant verba: nec respondeas, antequam, qua de re agatur, plenè intellexeris: & quid ille cui respondes, dixerit, senserique.

463 Rarissimum debet esse illud Ciceronis, *Quicquid in buccam*: & meritò soli Attico dictum, ac nescio an usquam admittendum, cum inter amicos cavendum sit, nè quid dicamus, quod amicitiam dirimat aut lædat.

464 Quàm turpe illud & periculosum, *Lingua quo vadis?*

465 Christus Dominus noster, sciens ex loquacitate plurima oriri mala. & illa inprimis quæ pugnant cum capite legis suæ, rixas, discordias, simultates.

466 Ad circumspeditionem loquendi interminatus est: *De omni verbo otioso quod homines fuerint locuti, reddituros eos rationem in disquisitione illa mundi.*

467 Idcirco Psalmista inquit: *Pone custodiam ori meo, & ostium circumstantiæ labiis meis.*

468 Nè sis in sermone immodicus, ac nè mutus quidem, nève audiri velis solus: est enim in loquendo vicissitudo: etiamsi cum in peritissimis agas, aut vilissimis: sed nec adeò rarus, aut tardus, ut ipse te auscultare existimeris, idque facere, quod singula tua verba singulæ tibi roræ videantur.

469 Inter prudentes præstat audire, quàm loqui: sed est locus ubi tacere tam est vitium, quàm loqui quando non oportet. Nulla voluptas est tanta, quæ computari queat colloquio prudentis hominis ac discreti.

470 Nè sis nimius percontator: est enim molestum & odiosum No-

ris & illud Horatii, *Percentatorem fugito, nam garrulus idem est.*

471 In differendo nè sis contentiosus, aut pertinax: si verum audias, hoc protinus silentio reverere, illiq; tanquam divinæ rei assurgito.

472 Sin non audias, nihilominus concede hoc vel amico, vel modestiæ tuæ: præsertim ubi nul um neque probi mores detrimentum accipiunt, neque pietas.

473 Supervacanea est contentio, si non adsit proficiendi spes.

474 Arrogantiam, aut jactantiam, aut superbiam & fastidiosam auctoritatem non ferunt homines, nè in maximis quidem viris, & omnem laudem meritis.

475 Nè verbis quod scis ostentes, sed rebus te ostende scire.

476 Nec quicquid est jucundum tibi dicenti, idem credideris esse aliis audientibus.

477 Cave nè quid facias, quod securus non sis, nisi celeretur: sed si fecisse contingat, nemini detexeris: quod

quod taceri vis, prior ipse taceas :
sin detecturus es, vide etiam atque
etiam cui. Arcanum quid, aut cæ-
landum, maximè amico, cum com-
mittis, cave nè jocum admisceas, nè
ille jocum ut referat, occultum rete-
gat.

473 Tibi verò arcanum credi-
tum, accuratiùs & fideliùs custodi,
quàm depositam pecuniam.

479 Nihil erit in humana vita
tutum, si tollatur secretorum fides.

480 Si quid promiseris, præstas ;
etiamsi res sit ardua imprimis, &
difficilis, saltem ut obligatam alte-
ri tuam fidem solvas.

481 Si quid tibi sit promissum,
nè exigas : acrior semper in te ju-
dex, quàm in alios.

482 Existimare decet te, homi-
nes habere sensum, rationem, judi-
cium: nè speres te illis posse persua-
dere, malefacta esse benefacta, aut
contrà. Nec falli posse rebus simu-
latis, tectis, fucatis, adumbratis:
quæ tandem produnt se, & fiunt

tantò fœdiores ac invisiores, quanto priùs occultiores fuerant.

483 Infestis enim animis accipimus eo, quibus sumus decepti.

484 Ideo consultiùs est omnia esse aperta, nuda, simplicia.

485 Nam etsi aliquando veritas initio odiosa sit, deinceps tamen nihil est amabilius aut gratius.

486 Laborat aliquando veritas, nunquam opprimitur.

487 Nec mendacii utilitas solida est, ac diuturna: nec veritatis damnum diu nocet.

488 A mendacio tanquam corruptela quadam abhorreto: nihil est enim humanæ conditioni abjectius, ut quod illam procul à Deo separat, diabolo similem ac mancipium facit.

489 Deinde seu tardè, seu celeriter mendacium deprehenditur, veritùrque mentienti in turpem ignominiam.

490 Quid despectius aut vilius mendace?

491 Si

491 Si mendacem te norint, nemo credet tibi, etiam si affirmes verissima.

492 Contrà si veracem, majorem habebit fidem natus tuus, quàm aliorum sanctissimū jusjurandum.

493 Si non vis loqui repugnantia, si vis inesse verbis tuis constantiam, nihil opus est memoria, aut arte alià, quàm ut dicas semper quod credis verum esse.

494 Verum vero consentiens, falsum nec vero, nec falso.

495 Sed si vis in opinione tua verum inesse, nè facile credas nisi comperta vel magnam veri faciem præ se ferentia.

496 Neu sis suspicax: unde illud sapienter dictum: *Si vis esse verax, suspicax non eris.*

497 Miserum illum, qui id egit, unde extricare se non potest, nisi per mendacium.

498 Jurare nè consuecas. Sapiens enim ait: *Vir multum jurans replebitur iniquitate, & non recedet à domo ejus plaga.* G 2 499 Et

499 Et Dominus in Evangelic
suo vetat nos penitus jurare: tan-
tùm affirmare, *Ita est* : aut negare,
Non est.

500 Magna est Dei reverentia,
non illum passim, aut facilè, testem
adducere: non hoc debet, nisi ab in-
vito & coacto fieri.

501 Qui facilè in scriis jurat,
in jocis jurabit: qui in jocis, & in
mendacio.

502 Siqui tibi credituri sunt,
æque injurato credent, ut jurato: si
non credituri, magis etiam jureju-
rando avertantur.

Quomodo hominibus utendum.

503 Inter homines est aliquod fa-
ciendum discrimen. Sunt e-
nim ex eis alii domestici, alii noti
tantùm, alii ignoti.

504 Domesticos voco, consan-
guineos, affines, & quibuscum in
eadem domo & familia degis.

505 Omnes sunt diligendi, et-
jam in ignotos talem te ostendes,

ut

ut sentiant te in universum toti generi humano amicum esse : omnibusque bene cupere.

506 Non tamen te eundem præstabis omnibus, ut lineam albam in albo saxo: alios adhibebis consiliis, aliis parebis, & obsequere, alios revereberis ac coles, aliis gratiam referes, si quod ab eis tuleris beneficium : & iis potissimum, quorum opera usus es utili tibi, aut diligenti, aut fideli.

507 In quo animus pro opere computandus est, non in multo pejore loco videatur esse qui conatus est, qui voluit prodesse, quàm qui profuit.

508 Operam si accepisti, nè sis minùs de reddendo & compensando sollicitus, quàm si pecunias mutuas.

509 Nec putes minùs esse operam dedisse, duntaxat honestam, & à sincero profectam, quàm pecuniam : quin hoc majus, quo cuique corpus quàm externa charius debet esse. Nè expectes dum neces-

litates ad te suas familiaris deferat: tu illas odorare, & eis ultrò subvenias. Honestis precibus occurre: & antequam oreris exorare.

510 Parentes non amabis solum, sed secundum Deum unice venerabere: illorum jussis tanquam divinis imperiis obtemperabis.

511 Persuasus id quod res habet, illos vicem tibi referre in terris Dei, nec te vel chariorem cuiquam esse, vel majori curæ.

512 His proximi sunt præceptores, pædonomi, tutores, denique quibus commendata est morum tuorum cura, quæis nihil est in homine pretiosius, aut præstabilius.

513 Istos velut alteros parentes ama & reverere; his modestè, imò cum alacritate quadam pare, reputans quæcunque præcipiunt, non ad sua illos referre cōnoda, sed ad tua.

514 Quod cum ita sit, pessimam tu illis gratiam redderes, si ubi ipsi commodis tuis intentissimi sunt, tu eis odium aut contumaciam pro tali beneficio reponeres.

515 Crede te illi esse charum, à quo amicè reprehenderis.

516 Nec unquam reprehensionem obesse, vel inimici: nana si vera objicit, ostendit quod emendemus: sin falsa, quod vitemus: ità semper vel meliores reddit, vel cautiores.

517 Quos familiares tibi facturus es, explora priùs, quibus sint moribus, & quemadmodum se cum aliis amicis gesserint, nè te postea necessitudinis pœniteat.

518 Nè familiaris illi fias, cujus familiaritatem bonos vides aversari. Eos etiam vita, qui non te amabunt, sed tua: quales sunt parafiti, & quorum consuetudine ac tanquam affricu vel peior fies, vel labem aut periculum contrahes. Illos quoque, qui amicis felicioribus invident: tum qui jocorum studiosi, nihil pensi habent, in vitam & maximè arcana amicorum ludere, ac dicta dicere aut innatà loquacitate reticenda cum primis effutiunt: sed

illos potissimum, qui ob levem rixulam gravissimas inimicitias cum charissimis suscipiunt, acriusque in eos ulciscuntur, quos aliquando amarent, quàm quos semper oderunt, barbaricâ quadam persuasione, minus ferendam esse injuriam quæ fit ab amico, quam quæ ab inimico: in quo se ostendunt, nunquam amasse: alioqui non putarent se tam citò læsos. Ejusmodi præstat inimicos, aut certè ignotos habere, quàm amicos.

519 Esto in admittendis ad familiaritatem cunctantior, in retinendis semel admissis constantior.

520 Familiares elige, non placituros tantum, sed & profuturos: non eos qui omnia loquentur ad gratiam, sed qui ad commodum: nec qui suaviter assentabuntur, sed qui verè admonebunt.

521 Si consueveris assentatoribus delectari, nunquam verum audies.

522 Ex bestiis exitiabiles maximæ.

mè, inter feras invidia, inter mansuetas adulatio.

523 Quàm amandæ sapientia & virtus, tam execranda assentatio, quæ impedit nè illuc perveniamus, dum suadet jam pervenisse: tam diligenda recta admonitio, quæ illuc provehit, dum quantum superfit, & quemadmodum conficiendum sit, docet.

524 Si reprehendi fers ægrè, reprehendenda nè feceris.

525 Miserum illum, qui admonitorem, cùm eget, non habet.

526 Malorum hominum consuetudinem non secus atque iustos peste devita: utrinque enim metuumdum contagium.

527 Nisi talis sis, qui confidas te posse illos meliores reddere.

528 Sed huic fiduciæ non est nimis fidendum, præsertim quoniam natura nostra in malum fertur prona: ad virtutem autem acclivis est atque ardua semita.

529 Explora & ipse qui sis, quo loco,

98 *Ad Sapientiam*

loco, quâ conditione: nec putes rem ullam esse tantam, ob quam tibi plus quàm cæteris liceat.

530 Quo tibi plus concedentè more licet, hoc minùs retrahente moderatione libeat.

531 In minores præbe te comem, in majores reverentem, in pares facilem ac tractabilem.

532 Sic ut vitio sis semper durus, rigidus, inexorabilis.

533 A potentioribus contemni te iniquè accipias: potiùsq; id crede fortunæ vitio fieri, quàm hominis.

534 Si quid à minore proficitur, quod tibi parum placeat, cogita non id protinus contumeliam esse, sed libertatem.

535 Te etiam nimis esse delicatum, cui leves titillationes, grandes videantur esse plagæ.

536 Nec oportet existimes te solum esse hominem, reliquos pecudes, quibus nec mutire liceat: homo es, vive æquo cum reliquis hominibus jure.

537 Imò

537 Imò verò si sapientior es, si melior, hoc indulge, hoc concede magis de jure tuo cæteris: tanquam imperitioribus, aut imbecillioribus: tibi verò minùs velis ignosci, cui tantum robur, sapientia & virtus attulere.

538 Si virtute non excellis, cur postulas videri aliis potior? si excellis, cur affectibus moderandis non plùs quàm vulgus præstas?

539 Injuriam accipere, quàm facere: decipi quàm decipere, satius & præstantius: quod nec humana ignoravit sapientia, ut Socrates, Plato, Aristoteles, Seneca.

540 Memineris humanæ imbecillitatis esse falli, errare: nè te graviter aliorum delicta offendant, præsertim adversum.

541 Ignoscere generosi pectoris: iram retinere, atrocis, sævi, degeneris, vilis: quod & natura in mutis animantibus ostendit.

542 Cúmque Deus nihil vel crebriùs faciat, vel libentiùs quàm igne-

ignoscere, quis est tam demens, qui negare possit illud esse pulcherrimum atq; excellentissimum, quo tam propè ad naturam illam accedimus summi & præpotentis Dei?

543 Eris in homines talis, qualem cupis Christum erga te.

544 Et est profectò æquum, ut eam tu des hominibus veniam, qua in eisdem delictis aut aliis non paulò levioribus ipse eges.

545 Nulla oratio præstantior, aut efficacior apud Deum illâ, quam edocti sumus ab ejus Filio Christo Domino: quæ idcirco *Domini* nominatur.

546 At illam non potes vere ac puro animo dicere, nisi toto pectore homini condonaris, quicquid ipse condonari tibi à Deo petis.

547 Hac lege remittitur nobis ingens debitum, si nos exiguum remittamus.

548 Quicquid unquam homo in hominem peccavit minutissima pars est ejus, quod quivis hominum singulis

gulis momentis in Deum peccat: nimirum tantum, quanto major & excelsior est homine Deus.

549 Si cui es iratus, fac juxta monitum Apostoli, *Nè sol occidat super iram tuam.*

550 Concessurus cubitum, omnes ex animo rixas, iras, offensives, cupiditates, sollicitudines deponere: ut composito & tranquillo animo placidissimè te quieti tradas.

551 Cui semel ignoveris, cura ut ille sentiat bonà fide id esse actum, ut nec ipse injuriarum memineris, & experiaur te amicum. si qua in te juvare aut commodare illi potes.

552 Affectus injurià, cave nè ultionem tuis manibus de quoquam sumas, nec eam ulli mortalium mandes: non est tibi jus in servum alienum: imò in conservum tuum. Domino tuo injuriam facis, si non illi cognitionem relinquis de conservo tuo.

553 Atqui Deus est omnium
Do-

Dominus, universi sumus ejus servi: sit satis, te quæstum: ac nè queraris quidem: *Oculus Domini singula intuetur: & juxta sacrum verbum, Ipse novit & facientem injuriam, & patientem.*

554 Idcirco sic ipse omnibus edicit: *Mihi vindicta, & ego retribuam.*

555 Nam cum in animo sit injuria, non in facto, solus Deus scit, qui fuerit animus, & quod ei debeatur supplicium.

556 Plerumque putamus eam esse injuriam, quæ non est: ut sunt nobis affectus nostri nimis chari, qui non sinunt nos singulariter examinare, sed ad judicandum transversos vi suâ rapiunt.

Quomodo se quisque gerit erga seipsum.

557 **C**onvenit te non charum modò esse tibi ipsi, sed etiam venerabilem præbere, ut pudeat te tui ipsius aliquid facturi vel
ins

ineptè, vel imprudenter, vel imprudenter, fœdè, flagitiosè, sceleratè, nefariè, impiè.

558 Pluris facias iudicium conscientiae tuae quam voces omnes ingentis multitudinis, quae imperita & stulta est, ignota temerè ut probat, sic & damnat.

559 Conscientia est, quae turbata maximos affert animo cruciatus: tranquilla, maximam beatitudinè: cui nullae opes, nulla possunt regna comparari.

560 Hoc est quod Dominus in Evangelio pollicetur suis, multo plura etiam in hac vita recepturos eos, quam quae pro se repudiarint.

561 Fama nec profutura malo, nec laesura bono.

562 Mortuus quid plus reseret de fama, quam pictura Apellis laudata? aut equus in Olympia victor? nè vivo quidem prodest, si eam ignorat: si novit, nihil adfert aliud, nisi ut sapiens contemnat, insipiens sibi magis placeat.

563 Cona

563 Conscientia verum & solidum & duraturum reddit testimonium, plurimum in illo Dei iudicio valiturum, vitæque hujus magna est magistra. Et quemadmodum scitè ille dixit, *Murus aeneus*, quo & tuti agimus inter innumera vitæ pericula, & securi: nec ullus est tantus terror, qui eum commoveat: est enim mente defixus Deo. illiq; fidei uni, ac ei se novit peculiari esse curæ, cui scit parere universa.

564 Turpe est aliis notum esse, ignotum sibi.

565 Annon tibi sufficit, te & tibi notum esse, & (quod maximum est) Deo?

566 Qui tamen nominis curam abjiciunt, ut audacius & securius peccent, ii dupliciter sunt mali, quod nec homines reverentur, nec Deum.

567 Et in conscientiam injurii sunt, quam derident ac deludunt, tanquam ob id spreverint famam, ut se conscientiae suae liberius vendicarent:

carent: quæ hac de causa effusius delinquit, quòd jam nullo metu coercetur.

568 Hoc est amare se, conari, laborare, magnis precibus à Deo petere ac contendere, ut excellentissima nostri pars ornata atque ex-culta sit veris germanisque orna-mentis, nempe religione.

569 Non is amat se, qui opes, qui honores amat, qui voluptates, denique quæcunque sive extrinsecus sunt, sive in corpore: cùm potissima hominis pars sit mens.

570 Nec amat se, qui ignorati-one sui seipsum fallit, vel falli se ab aliis patitur: interdum gaudet, cùm ea sibi persuadet inesse bona, quæ nulla insunt.

571 Hic non est in homine a-mor sui, cùm ipse sit animus: sed a-mor corporis inconsultus, cæcus, ferus, perniciosus, sibi & aliis.

572 Quem non injuriâ caput esse ac originem malorum omnium Socrates pronunciavit: quippe tollit

H

cha-

charitatem mutuam, unde in genere humano mala omnia nascuntur.

573 Nimirum qui se hoc modo amat, is nec alium amat, nec ab alio amatur.

574 Superbus mitibus, discors superbis multò etiam magis.

575 Servator noster brevi declarat documento, quid sit amare se, quid odisse: Qui odit, inquit, animam suam, nihil illi in rebus istis fortuitis, aut perituris indulgendo, is verè amat eam, & salvam cupit: qui verò amat indulgendo, is odit, is vult perditam.

576 Laborem pro æterno & celesti præmio, quis nisi amens refugiat? cum nec caduca hæc & fragilia citra laborem acquirantur.

577 Hæc est lex eorum quibus pater est Adam, ut laborent: hæc eorum execratio, quibus mater Eva, ut affligantur.

578 Quanto præstat adniti ut maxima merces operâ nostrâ quaratur: quàm exigua, vilis, & evan-

da atque hinc sempiternus cruciatus
& mœror ?

579 Quid quod facilius & tutius
& securius, ac proinde jucundius
leviusque est, bene agere : cum pec-
catum timoris & sollicitudinis sit
plenum ?

580 Peccatum hominis mors :
ut jugulare seipsum videatur, quis-
quis peccat: abducit enim se à Deo,
vita nostra : & à quiete conscientiae
suae: qua nihil est beatius.

581 Peccati sordes ablues lacry-
mis, poenitentia, & invocatione di-
vinæ clementiae, multum huic con-
fusus.

582 Occasio omnis peccandi, &
causa, intentissimâ curâ vitanda
est. Sapiens ait : *Qui amat pericu-
lum, peribit in eo.*

583 Et imminet semper occasio-
ni suæ diabolus, per quem nun-
quam nobis licet securis agere.

584 Semper est cum eo bellige-
randum, ut verè Job dixerit : *Mi-
litia est vita hominis super terram.*

585 Et cum sit hostis tam potens, robustus, vafer, tam callidus, veteranus, exercitatus, tot vires habeat, tot stratagemata : nullâ ratione, aut arte, aut vi nostrâ propriâ possemus pares illi, nedum superiores è conflictu excedere : idcirco diffusi nostris copiis, ad Deum accurrendum est, ad opem implorandam.

586 Hac causâ Dominus ac magister noster suis illud subinde præcipit, orent, & religiosis affectibus à patre omnium petant, nè in tentationem ducantur, hoc est in prælium quo manus cum diabolo conferant.

587 Et in oratione, quam ipse nos docuit, illa est corona : Et nè nos inducas in tentationem, sed libera nos à pravo illo insidiatore.

588 Sic ergò agamus semper, tanquam in acie armati : vigilantes, accincti, intenti, occasionibus nostris non indormientes : & cum tanta sit vitæ fugacitas, in tanta incertitu-

titudine, ut nè craftinum quidem possit sibi quisquam polliceri, stultum est & periculosissimum, si spes nostras in longum tendamus, disseramusq, nos adornare futuro itineri, quo singulis momentis vocamur, inscii, quando (velimus nolimus) in illud pertrahemur. Quam ob rem paremus nobis thesaurum ad futuram vitam, cui aliquid quotidie accrescat, quo instructi & confisi, nunquam per segnitiam aut socordiam inopinantes opprimamur, aut discedamus mœsti, sed parati abire, & vitæ hujus pleni, agentes præ nobis magnam & optimam spem vitæ, innocenter sanctæque transactæ per fidem Filii Dei & pietatem, quam nos edocuit, quo munere nullum potuit homini à Deo majus aut pulchrius dari: quo Deum noscimus, & quantum effici à mortali potest, æmulamur, sequimur, consequimur.

§ 39 Sine hoc quid est homo aliud, quàm immortale pecus?

110 *Ad Sapientiam, &c.*

590 Ut unus dies humanæ vitæ præterendus est longissimæ ætati corvi, aut cervi: ita dies unus ex religione actus, hoc est, divinæ vitæ, toti æternitati sine religione anteponendus.

591 *Hæc est vita æterna*, inquit Christus Dominus, *ut agnoscamus Patrem & quem ille misit* JESUM CHRISTUM.

592 Hic est cursus absolutæ sapientiæ, cujus primus gradus est nosse se, postremus nosse DEUM.

*Regi seculorum Immortali
& Invisibili, soli*

DEO

Honor & Gloria.

A M E N.

Lege & Elige.

LIBRARY

CAMBRIDGE

æ
ti
e.
f,
-
it
s
M
-
ft
n.